

Nr. 1 2023/24



Part generala

Cussegliaziun spezialisada per direcziuns da scola

Sin giavisch da bleras manadras e manaders da scola organisescha l'inspecturat da scola dal Grischun ils 7 da favrer 2024 a Tusaun (d, r, it), respectivamain ils 21 da favrer 2024 a Landquart (d, r) duas ulteriuras cussegliaziuns spezialisadas per direcziuns da scola.

L'inspecturat da scola preschenta duas ulteriuras dimensiuns dad INSULA a las direcziuns da scola. L'instrumentari per evaluar l'instrucziun è orientà al plan d'instrucziun 21 ed è vegnì sviluppà da l'universitat da Turitg per incumbensa da la ARGEV (cuminanza da lavur evaluazion externa da las scolas). L'inspecturat da scola appligescha l'instrumentari en l'evaluaziun 2021-26. Las direcziuns da scola vegnan infurmadas ad uras per mail davart l'occurrenza.

Examens da recurs 2023

Tut en tut han 16 scolaras e scolars (ca. 1% da tuts da la 6. classa) fatg la fin da l'onn da scola 2022/23 l'examen da recurs chantunal. In scolar ha absolvì l'examen cun success. L'inspecturat da scola engrazia a tut las personas d'instrucziun ch'en stadas involvidas en la procedura d'admissiun. Grazia a lur pratica cumplessiva d'assegnaziun e grazia a la communicaziun cun ils geniturs vegnan annunziads dapi onns constantamain mo fitg paucs uffants per il giudicament da protesta.

Gruppa accumpagnanta talian primara

La gruppa accumpagnanta talian per il stgalim primar ha repassà a chaschun da l'ultima sesida ils stans intermediars per ils medis d'instrucziun "Grandi amici" ed "Amici d'Italia".

Las adattaziuns èn nudadas cun colur cotschna.

[Stan intermediar talian primara](#)



Di europeic da las linguas

L'atun ha mintgamai lieu il di europeic da las linguas. Il di porscha ina buna chaschun da s'occupar en las classas da scola cun il tema "linguas e culturas". Il di europeic dals linguatgs è vegnì inizià dal cussegli da l'Europa il 2001, l'onn dals linguatgs. Quai di è fitg popular en las scolas ed en las instituziuns da furmaziun da blers pajais. El ha la finamira dad accentuar la diversitat linguistica e da promover l'emprender linguatgs per vita duranta. Per il di da las linguas che ha lieu ils 26 da settember 2023 è vegnì sviluppà bler material nov d'instrucziun. I vala la paina da consultar la pagina-web.

(Displaschaivlamain na vegn la lingua rumantscha betg resguardada sin la pagina d'internet principala).

[Broschura ed ideas per l'instrucziun](#)



[Di europeic da las linguas](#)



Swissdidac & Worlddidac Bern

La Swissdidac Berna sco fiera directiva en il sectur da furmaziun è al puls da la furmaziun e vala sco lieu d'inscunter il pli important per personas dal fatg. Dals 21 fin ils 23 da november 2023 ha lieu a medem temp sin l'areal BERNEXPO il Worlddidac sco part integrala da la Swissdidac Berna. La Swissdidac & Worlddidac Berna colliescha la cuntrada da furmaziun svizra e tracta ils temas da furmaziun ch'en actualmain relevantes ed impurtants en Svizra. L'occurrenza è ina maschaida tranter purschidas attractivas da furmaziun supplementara ed ina messa per las personas d'instrucziun e pertaders da decisiuns.

Ulteriuras infurmaziuns



Sustegn per l'elecziun da clamada

La federaziun svizra d'artisanadi e mastergn SGV elavura dapi onns – ensemes cun experts da la pratica professiunala e cun scolas professiunalas spezialisadas – profils digitals per numerus professiuns. Il tool infurmescha ils giuvenils co che las competenzas intermediadas en scola pon vegnir applitgadas en lur professiun ed als sustegna da tscherner ina professiun ch'è adattada per els. Ultra da las pretensiuns en ils roms da scola matematica, scienzas naturalas e linguas estras cuntexnan ils profils er descripcziuns dal mintgadi professiunal. La pagina d'internet trilingua vegn actualisada e sviluppada cuntinuadament. Da nov èn vegnids cumplettauds ils profils cun la descripcziun da las pretaisas corporalas, sco p.ex. las abilitads motoricas sco er las pretensiuns persunalas.

Explorar mastergns, cumpareglier pretensiuns



Concepir in magazin da scola digital

Nau.ch porscha ina piattaforma digitala a gassettas da scolars. En collauraziun cun la scola Valragn a Spligia è quest project da pilot vegnì lantschà. Cun lavorar vi dal magazin da scola digital pon scolaras e scolars realisar patratgs, opiniuns, experientschas e savida da maniera interdisciplinara en in project da web che cumpiglia l'entira Svizra.

Realisaziun d'in magazin da scola



50 onns ilz (1973 - 2023)

La centrala interchaintunala per medis d'instrucziun ilz è il center da cumpetenza per medis d'instrucziun dals chantuns da la Svizra tudestga. Ella sustegna quels per garantir ina purschida da medis d'instrucziun d'auta qualitat e metta a disposiziun servetschs per coordinar ils medis d'instrucziun. Cun la publicaziun da giubileum vegn la coordinaziun da medis d'instrucziun en Svizra tudestga ed en il Principadi da Liechtenstein dals davos 50 onns celebrada, documentada e valitada. Cun intervistas dattan persunas impurtantias da la ilz invistas en ils onns da fundaziun, en l'istorgia ed en las incumbensas actualas e futuras.

Publicaziun da giubileum ilz



Di da futur internaziunal

Emprender d'enconuscher professiuns nua che l'atgna schlattaina è sutrepresentada: quai es l'idea dal di dal futur. Ils 9 da november 2023 èsi uschè lunsch! Ultra dal program da basa, cun il qual las scolaras ed ils scolars da la 5. fin 7. classa han accumpagnà ina persuna da referiment a lur piazza da laver, porschan numerus manaschis ed organisaziuns uschenumnads projects speziali. Las mattas emprendan per exemplu dad enconuscher il mund da la tecnica u ils mats passentan in di en il sectur da tgira u d'assistenza. A partir dals 29 d'avust pon las scolaras ed ils scolars s'annunziar per in project spezial. In'annunzia tempriva vala la paina, perquai ch'ils platz èn limitads! Il di da l'avegnir po er dar invistas en l'instrucziun regulara e pussibilitar ina midada da la perspectiva.

Links per materialias d' instrucziun e propostas per concepir il di dal futur en scola chattais Vus sin la pagina d' internet dal post da stab per l' egualitat da las schanzas da dunna ed um.

Annunzia per purschidas spezialas



Infurmaziuns ed ideas per il di dal futur



Salids amiaivels

Chantal Marti-Müller

Manadra USS

Andrea Caviezel

Manader inspecturat da scola

Part regiunala

Termins

Valitaziun e promozion da la scola durant l'onn da scola 2023/24

Visitas da scola VPS Plessur – Grischun central



Cussegliaziun professiunala facultativa: procedura d'admissiun

Mesemna, ils 20 da settember 2023, 13.30-16.00 uras a Tusaun per persunas d'instrucziun da la 5./6. classa e da la 1. classa dal stgalim secundar I.

Occurrenza d'infurmaziun per autoritads da scola

Mesemna, ils 15 da november 2023, 19.00-21.00 uras

Attestat procedura d'admissiun

Attestat da semester: 26-01-2024

(incl. decisiun d'assegnaziun provisorica)

Decisiun d'assegnaziun definitiva: me, 10-04-24

Giudicament da la protesta: ma. 28-05 / me. 29-05-24

Cordials salids

Team districtual Plessur-Grischun central

Christina Nigg (manadra dal district), Daniela Zanelli, Damian Dosch, Philipp Hugentobler ed Elisabeth Caluori (secretariat)

